

ԿԱՆՈՆԱԿԱՐԳ

Մոսկվայի Մ.Վ. Լոմոնոսովի անվան պետական համալսարանի մասնաճյուղին կից
Ա.Հ.Երիցյանի անվան վարժարանի 2020-2021 ուստարվա ընդունելության

1. Ընդհանուր դրույթներ

- 1.1 Մույն Կանոնակարգը սահմանում է Մոսկվայի Մ.Վ.Լոմոնոսովի անվան պետական համալսարանի մասնաճյուղին կից Ա.Հ.Երիցյանի անվան վարժարանի 7-12-րդ դասարաններում ընդունելության կազմակերպման և անցկացման կարգը (այսուհետ՝ Ընդունելություն):
- 1.2 Ընդունելությանը մասնակցելու իրավունք ունեն շտաբերկրյա քաղաքացիները, ինչպես նաև քաղաքացիություն չունեցող անձինք՝ շտաբերկրյա սահմանված կարգով:
- 1.3 Ընդունելությունն իրականացվում է հետևյալ երկու առարկաներից ընդունելության գրավոր թեստավորման արդյունքների հիման վրա.

1. Մաթեմատիկա

2. հայերեն կամ ռուսերեն

- 1.4 Առարկաներից յուրաքանչյուրի գնահատումն իրականացվում է **50 միավորային համակարգով** (յուրաքանչյուր առարկայի համար անցողիկ է համարվում **20 միավորը**):
- 1.5 Վարժարանում ուսուցումն իրականացվում է պայմանագրային հիմունքով:
2020-2021 ուստարվա ուսուցման վճարը 900.000 /ինը հարյուր հազար/ դրամ է:
- 1.6 Վարժարանում գործում է զեղչերի ճկուն համակարգ՝ համաձայն զեղչի մասին կանոնակարգի:
- 1.7 Ընդունելությունը և թեստավորումն իրականացվում է տնօրենի հրամանով հաստատված ընդունող հանձնաժողովների կողմից:

2. Փաստաթղթերի ընդունումը

- 2.1 Ընդունելությանը մասնակցելու համար դիմորդն իր օրինական ներկայացուցչի հետ դիմում է ներկայացնում ընդունող հանձնաժողով:
- 2.2 Դիմումներն ընդունվում են **2020թ. ապրիլի 12-ից**՝ երկուշաբթիից ուրբաթ՝ ժամը 10:00-16:00, ընդմիջում՝ 13:00-14:00:

3. Դիմորդների ընդունելությունը

- 3.1 Ընդունելության թեստավորումն իրականացվում է հետևյալ ժամկետներում.
 1. Մաթեմատիկա **– 01.07.2020թ.**
 2. Հայերեն կամ ռուսերեն **– 02.07.2020թ.**
- 3.2 Ընդունելության թեստավորումը հաջողությամբ անցած դիմորդների օրինական ներկայացուցիչների հետ կրթական ծառայություններ մատուցելու մասին պայմանագիրը կնքվում է մինչև 2020թ. հուլիսի 10-ը, իսկ առաջին վճարումը կատարվում է մինչև 2020թ. հուլիսի 15-ը:
- 3.3 Նախորդ կետում նշված ժամկետները խախտելու դեպքում ընդունելության թեստավորման արդյունքները չեղարկվում են:
- 3.4 Թափուր տեղերի առկայության և լրացուցիչ ընդունելության մասին հայտարարություն կտրվի 2020թ. հուլիսի 16-ին: